



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De odore aromatico in pascha, cap. 34.

urn:nbn:de:hbz:466:1-13177

CAPVT XXXIV.

Sacerdos quidam de domo nostra, sicut ipse mihi retulit, cum anno præterito in sacratissima nocte paschæ staret ad matutinas, finito duodecimo responsorio, & Hymno, Te Deum laudamus, incepto, tantam circa se sensit fragrantiam aromatum, & per tantam moram, vt miraretur quid esset, vel vnde esset, cui cogitationes suæ dicebant: Non est aliunde odor iste aromaticus, nisi ex præsentia sanctarum mulierû, de quibus tota nocte cantatum est; Quia venerunt *Marc. 16* cum aromatibus, vt vngerent IESVM.

CAPVT XXXV.

APOLLONIVS:

Cvm resurrectio passione dignior sit, quid est quòd tantæ reuelationes habentur de illa, & tam pauca de ista? **CÆSARVS:** Primò hoc ad scribendum est humilitati Christi, ne videatur iactanter manifestare ea, quæ egit gloriosè, & suppressere illa, quæ pertulit ignominiosè. Deinde quòd nullum est sacramentorum, quod tam efficax sit diuini amoris incentiuum, quomodo opprobria passionis. *1. Cor. 2.* Apostolus dicit se nihil scire, nisi IESVM CHRISTVM, & hunc crucifixum: ergo Christi passio, eius fuit lectio. O quantum legere desiderabat Iob in libro passionis Christi, quando dicebat: *Iob 31.* Quis mihi tribuat audirem, vt desiderium meum audiat omnipotens: & librum scribat ipse qui iudicat: vt in humero meo portè illû, & circundè illum quasi coronâ mihi? Liber vitæ *Apol. 5.* CHRISTVS est, secundû Ioannè septè signaculis signatus, in quo, vt ait Paulus, est salus, vita, & resurrectio nostra, quæ Apostoli cû magna gloria miraculorum, quasi coronâ, portauerunt per vniuersû mundû; quæ cum primò obtulissent scienti literas, id est Iudæo, & respuisset illum tanquam signatum, obtulerunt illum nescienti literas, scilicet gentili, & cum illum intelligere non posset, exposuerunt ei, sicut Philippus Eunucho. *Actor. 8.* Librum hunc CHRISTVS ipse scripsit, quia propria voluntate passus est: in pelle squidem corporis eius scriptæ erant literæ minores

H h 5

& ni-